

# معقول أموت أو أنتحر

\*\*\*\*\*

منك يا دنيا أنا هانتحر  
مع كل لمحة روح ف عين  
لو يفرحوا فيكي البشر  
يتفقوا في ساعة هنا  
إنهم -

راح يقتلونني كلهم  
واني أموت دا مستحيل  
رغم إني حاسس بهدلة  
وأنا من أساس كل البيوت  
وعياي دايما يعلنوا  
سلطاني قبل السلطنة

إبني الكبير إسمه الغضب  
ساكن عمي  
حي التسامح في القلوب  
وابني الأخير من قسمته  
مندوه بسوء البخت دايمًا للبشر  
وكأنه مخلوق طفلهم  
مع إنهم لو فكروا  
إيه اللي ميز خلقهم  
كان إتقتل أصغر ضني  
وبناتي دمعة وخنقة  
ومعاهم كآبة إتجمعوا  
على الخلايق يبدعوا  
كان إحتلال حد الرضا  
مصحوب في عينه بغرغرة بعض الأسي  
والخمسة دول

بيلففوني على البشر  
وعشان كدا  
ضامن باني أكيد أكيد  
مش هنتحر ولا هتقتل  
باعيش خلود جوة البيوت  
إسمي نكد وصفي نكد  
عشاقى دايمام النسا  
يستخدمونى يسلموا  
ليا الرجال